

22 августэ  
1941 ары  
№ 65 (210)

Номерлэн дуныз 5 коп.

# ВЫЛЬ УЛОН

3-ти АРЭЭ ПОТЭ

ВКП(б)-лэн УАССР-ысь  
Понино Райкомезлэн  
но Райсоветлэн  
органзы.

## СССР-лэн Совнаркомезлэн Председателз И. В. Сталин эш принять кариз США-лэсь посолзэ г-н Штейнгардтэз но Англилэсь посолзэ г-н С. Криппсэз

14 августэ Америкалэн Соединенной Штат'ёсызлэн Чрезвычайной но Полномочной Посолзы г-н Л. Штейнгардт но Англилэн Чрезвычайной но Полномочной Посолзэ г-н С. Криппсэз вельтлэзы Сталин эш доры но солы сётлэзы США-лэн Президентэзлэн г-н Рузвельтлэсь но Англилэн Премьер - Министрлэсь г-н Черчилльлэсь посланизэс: „Г-н Черчилльлэсь но Президентлэсь г-н Рузвельтлэсь г-н Сталинлы лично послание.

„Ми воспользоваться карисским случаем, кудыз милемлы кылдиз г-н Гарри Гопкинслэсь солэн Москваысь берытскем безаз отчетэс обсуждать карыку, чтобы валче эскерыны вопросэс со сярись, кызы милям кык странаосмы зечгес юрттыны быгатозы. Ты ляд странадылэн со туж усто отпорезлы, кудзэ Ты сётискоды фашистской нападенылы. Ми али сотрудничать карисском со вылысь, чтобы Тиледды снабдить карыны со запас'ёслэн максимальной лыдэнызы, куд'ёсызы Ты котымалэсь трос куляськискоды. Грузить карем трос пароход'ёс потызы ни милям порт'ёсысьтымы, мукет'ёсыз потозы матысь дыре.

Тылад но милям вооруженной кужым'ёсмылэн куляськон'ёсы но курон'ёсыз определить каремын луозы уно фактор'ёсын тырмыт тодматскыса гинэ, сыче фактор'ёсын, куд'ёсыз лыдэ бастымын луозы асьмемын кутэм решениосын. Асьмелэсь ог'я ресурс'ёсмес распределить карон сярись ужпумен асьмеос ваньмы жог решениос кутыны мед быгатом шуыса, ми чектиском Москваын совещание дасяны, отын участвовать карон понна ми уполномочить карысалмы высокопоставленной представительёсмес, куд'ёсыз со ужпум'ёсты Тиледдын эскерыны быгатысалзы. Сыче совещание Тиледды тупа ке, соку милям Тиледды тодытэммы потэ, что та совещаниен решениос кутытозь, ми Тиледды жоггес снабжение но материал'ёсты келялом.

Али ми внимание вис'яно луискомы кема кыстиско но вакытлэн политикаезлы, малы ке шуоно, уката но кузь но

шуг сюресэз орточно усе но со дырозь, кызы бастыны быгатэмын луоз со копак вормон, кудызтэк асьмелэн кужым'ёсмы но жертваосмы юнме луысалзы.

Война уно фронт'ёсын мынэ но со бырытозь фронт'ёсын мукет военной дейвиос жутскыны быгатозы, сыче фронт'ёс кылдозы на. Милям ресурс'ёсмы туж трос ке но, нош пумтэм өвөл, соин ик сыче юан кылдэ: кытчы но ку со ресурс'ёсты умойгем уже кутыны луоз асьмелэн ог'я ужмылы кужмогем юрттон понна, кызы ке дась военной поставкаосты, озы ик сырьёез но.

Ми быдэсак валаском, кызы жизненно важно луэ гитлеризмез вормон понна Советской Союзлэн юн пумит'яськемез и соин ик ми шодиском, что милемлы но кыче обстоятельство дыр'я но лэзыны кулэ өвөл асьмелэсь общей ресурс'ёсмес вуоно дырлы люкылон план лэстыон сярись ужпум ласянь жог но жегатскытэк действовать карыны луонлыкэз“.

Сталин эш г-н Штейнгардтэз но г-н Криппсэз косий Советской Союзись калык'ёслэн нимынызы но Советской Правительстволэн нимыныз Президентлы Рузвельтлы но Премьер - Министрлы Черчилльлы вераны тау каронэз соослэн гитлеровской Германиялы пумит жугисконын СССР-лы юрттэт сётыны дасьлыксы понна.

Сталин эш шуиз, что сырьёез но вооружениез люкылон понна куинь странаослэсь представительёссэс Москвае совещание өтён сярись Президентлэсь Рузвельтлэсь но Премьер-Министрлэсь Черчилльлэсь чектэмзэс со зечкыла.

Сталин эш шуиз, что со дась вань ужрад'ёс кутыны, чтобы та совещание кызы ке но жоггес мед люкаськоз.

Беседа дыр'я отын вал иностранной Уж'ёсыя Народной Комиссар В. М. Молотов эш.

## Зег аранзэс быдэстлэзы

Понинской сельсоветысь „Работник“ колхоз 21 августэ зег аранзэс быдэстлэз. Зег аран кустын колхозник'ёс асьсэлэсь активность

сэс но организованностьсэс возматлэзы. Озы 30 гектар зег аранзэс график'я тупатэм дыр'ёсы быдэстлэзы.

Баженов.

## Действующей Армия



Старшой сержантлэн комсомолецлэн Г. Беляевскийлэн наметной расчэтэз промахтэк, асьме территориямы вылэ пырись тушмонэз жуге.

ТАСС-лэн фотохроникае.

## СОВЕТСКОЙ ИНФОРМБЮРОЛЭСЬ

(19 августэ жыт ивортонись)

19 августэ чожэ асьме войскоосмы авиацимы бомбардировать кариз Плотивнике пумитэ бойёсты нуизы быдэс фронтын. Тужгес ик уворной бойёс мынлэзы Кингисеппской, Невельской, Гомельской но Одесской направлениосын. Уточненной даннойёсыя, 17 августэ чожэ воздушной бойёсын уськытэмын не 22 самолет, кызы талэсь азлы верамын вал, а 28 немецкой самолетёс. 17 августэ уйин асьме

авиацимы бомбардировать кариз Плотивнике. Летчик'ёс адэны зёкэсь пожар'ёсты но пуштон'ёсты. 18 августэ чожэ воздушной бойёсын уськытэмын 30 немецкой самолетёс. Асьмелэн ыштон'ёсмы—12 самолет. Черной морейн асьме бомбардировчик'ёсын противниклэн 2 транспортэз жуатэмын но одиг транспортэз вийтэмын.

Юго-Западной направлениы советской но немецкой войскоос кустын 16 час чожэ лек жугисконын мынлэз. Зырдэт жугисконын дыр'я советской тяжелой артиллериялэн батареяосыз вадьсы вуиз фашистской бомбардировчик'ёслэн группазы. Капитан Ларионовлэн советской истребительёсызлэн эскадрилизы пумитамен, та фашистской летчик'ёс, одиг бомбазэ во куштыны вуытэк, берлань кошкызы. Советской истребительёс куткызы не-

мец'ёс сьбры уськыны. Тушмонэз жог атаковать карыса, асьме истребительёс сьбрызы витьсэ фашистской бомбардировчик'ёсты. Соос пöлысь куинез та фашистской бомбардировчик'ёс, асьсэлэн вань бомбаосынызы валче, усизы немецкой танковой частьлэн расположенияз. Мукет'ёсыз кыгез фашистской бомбардировчик'ёс, управленизэ ыштененызы, амалтэк куисёно луизы, бомбовой груззэс озы ик асьсэ войскоосы вылэ куштыса.

Германской армия туж трос улэл кужым'ёссы ыштэ. М. город дорын жугисконын дыр'я Красной Армиялэн частьёсыз быдтлэзы 5000 ёрос немецкой солдат'ёсты но офицер'ёсты. Кызы верало М. городын улэс'ёс, куд'ёсыз 14 августэ пегыса выжызы асьме частьёсын бастэм территория вылэ, городын но солы матысь селосын немецкой командование мобилизовать кариз шайгуос гудон понна

ваньзэ, кин быгатэ вал кыяз допата возыны, но соин но тырмымон өз луы. Соку немецкой офицер'ёс асьсэ сапер'ёссылы койзы минаос тырылы но соослэсь пуштылэм бервылт'ёссыз шайгуослы пöрмытыны. Сое адзем мурт'ёс верало та аспиртэмлыко шой ватылонлэн кышкыт шимесэс суред'ёсыз сярись. Уй но нунал грузовик'ёс жугисконын интосысь немецкой солдат'ёслэсь шийёссыз вортлэзы.

К. городэ 900 пассажир'ёсты пунис советской пассажирской пароход вылэ нападение дэстлэзы „Ю-88“ вуинь фашистской ныркующей бомбардировчик'ёс. Немец'ёс трос бомбаос куштлэзы ке но соос пöлысь одигез гинэ усиз корабльлэн надстрой-каезлэн ворт перебойлаез вылэ, бомба палулаез пасяса машинной отделение

пыриз но өз пушты. Пароходысь пассажир'ёс пöлын вал Красной Армиялэн кöня ке командир'ёсыз. Соос ручной пулемет'ёсын но винтовкаосын ыбылыса, одигзэ фашистской бомбардировщикез уськытлэзы, мукет'ёсыз кыбез пегыса кошкызы. Пароход К. городэ умой вуиз.

## Берлинлэн районзэс вылэ советской самолет'ёслэн налетсы

19 августэ уйин Берлинлэн районзэс вылэ советской самолет'ёсын вылэ налет дэстлэмын вал.

Берлинлэн военной объект'ёсыз вылэ куштэмын зажигательной но

фугасной бомбаос. Берлинын пожар'ёс но пуштэм куарас шодискылызы.

Асьмелэн самолет'ёсмы вавымыз аслаз базазы берытскызы.

## СССР-лэн Народной Комиссар'ёсызлэн Советсы Юматлэз СССР но США кустын вуз карон сярись соглашениез

СССР-лэн Народной Комиссар'ёсызлэн Советсы 1941 арын 4 августэ юматлэз Соглашение, кудыз туэ 2 августэ гожтэмын вал США-лэн Государственной Секретарезлэсь ужзэ быдэс'ясь г-н Сомнер Уэллес но СССР-лэн США-ысь Чрезвычайной и Полномочной Посолзэ Уманский эш кустын. Та Соглашение 1942 арлэн 6 августэз дырозь продлить кариз США но СССР кустын вузкарон отношение сярись 1937 арын 4 августэ гожтэм Соглашениез, кудыз продлить карыламын вал 1938, 1939 но 1940 ар'ёсы.

## США-лэн президентэз прокламировать кариз СССР но США кустын вузкарон сярись Соглашение кужыме пыремзэ

1941 арын 6 августэ США-лэн президентэз прокламация поттлэз Соглашенилэн кужыме пыремез сярись, кудыз 2 августэ, нотаосын вош'яськыса, гожтэмын США-лэн Государственной Секретарлэсь ужзэ быдэс'ясь Сомнер Уэллес но СССР-лэн США-ысь Чрезвычайной но полномочной Посолзэ Уманский эш кустын. Та Соглашение 1942 арлэн 6 августэз дырозь продлить кариз США но СССР кустын вузкарон отношениос сярись 1937 арын 4 августэ гожтэм Соглашениез, кудыз продлить каремын вал 1938, 1939 но 1940 ар'ёсы.

## СССР-лэн территория вылысьтыз заключение улысь польской Граждан'ёслы амнистия

СССР-лэн Верховной Советэзлэн Президиумез 1941 арын 12 августэ поттэм Указэныз амнистия сётлэз ваньмызы польской граждан'ёслы, куд'ёсыз али заключениын вош'ясько советской территория вылын военно пленнойёсын яке мукет тырмыт основаниосын.

**Действовать карись Армия**  
Воздушной бойын тушмонэн жугисконын дыр'я комсомолец-старшина Тотмин вражеской истребительез быдтлэз, нош ачиз умой аслаз аэродромаз берытскызы.



Н. Я. Тотмин.

